


T 5417/8220

8

CHINESE - JAPANESE LIBRARY U.S.
HARVARD - YENCHING INSTITUTE
AT HARVARD UNIVERSITY
NOV 30 1940



仲蔚先生集卷之十一

哈佛大學漢和
圖書館珍藏印

吳郡俞允文著

記

遊馬鞍山記

崑古婁縣縣之山馬鞍良次形膝腕麗不類土
俗敢驕奢華歲向春鄉里通衢之人闔戶以往
才豪強梁巖以相矜窮獨貧賤賴以為日當其
時人有羸者矮者癡者瘖者跛者羶者口嚙者
齋痔者聾者耳偏枯者眇者瞎者矇矇者牙黃

命作... 者峻頰者髯如施朱者肥豕腹者韋條長者鼻
斃削不彘鼻微者口耳缺者廣頰突脊項禿疑
鬢者首縮而足掘唇掀而齒豁者面五色具千
恠萬象或數疾而同一人或數人而同一疾如
是之人老幼男女蝟集蟻擁或羣而嬉或列而
行或拔距走輶或張春春鞞或喜相奔逐或怒
相搏擊或提罌挈盃絡盛壺餐或邂逅交游扳
連而往或握手道舊或倚樹歌咏或乘興而至
興盡而歸或興盡而歸接之而止或以事臺道

經而游或以遊至事牽而返或戲譁人貌或溫
稽射遠或恃勇乘危或反接特行或喘或溺或
嘯或笈或坐或卧或俯而僂或揖而讓如是之
人不可殫狀山行郊游巷集道隘當其時人有
鮮好衣服張蓋擁衛瞋目呌唾擬于王公伎童
雋妓曜色增態挽袂憑肩迎風掩笑千聲百氣
弄影驕豔枹鼓振金鳴絲擊筑羣呼聚飲列炬
而還如是者才豪強梁也翠盞金璫朱衣華裳
拂擊日晴五色並輝足若蓮瓣輕盈點石刺蕩

蘇仙傳卷之十一
一
鈞蘿丹碧支裏數步之內香澤啞人左右侍女
前呼後應人莫敢仰坐口評論如是者皆才豪
強梁家也夾道驩呼笑罵騰踊卒然之間目不
及張遺箒隨珥破襟絕襦婦女鬟髮彷徨孤立
日落神沮垂首斂色如是者男女交錯也其侶
聞之莫不蒙羞疾行自謂至此死有餘恨乃今
屏跡然猶有不畏者牽引乘攜左顧右盼長行
故道迷復環視肢體皤腰膏石束芻髻秃缺解
塗澤衣服故舊不相掩覆解衣市物且啗且行

如是者鄉里貧賤也牡酒羅列揖跪拜立但恨
無地先後卜祝吉者欣然凶者復續灌酒謝神
馬者圜立禱頌唱至盆盃高下一人迴旋莫可指
画如是者歲昔廟祭也牛牽馬驅髻斷行隊恃
力扛石從事野燒競走益薪超烈越燭爭占為
能如是者牧豎也數十百人攢一短褐閉目捋
鬚搖首謔舌語言若注不喫一字解衣散錢者
為王公媪佛諸天者為馬牛愚頑無知憑依若
神如是者浮屠也曲席結舍圖形繪象衮人穢

俞允恭先生集卷之十一
夫極口稱道其狀與浮屠等者皆星士望氣人
也無賴男子駢肩纍足衆口交唱一省之內山
崩谷沸反走却避豁然成路如是者毬擊也白
眼娼罵足蹙不前偃臥隨道者游人醉也黃衣
搨緇尼僧道士也幅巾厭襖武藝術人也屠酤
酒肆星絲豆貯乘軒弛擔植然梗道百色之人
莫不投業已為盛事人聲鳥禽相和烟日風火
焮發續續紛紛文章章具一省觀豈不偉哉
俞子往觀而嘆曰韓子云脉病而肥者死今之

天下疲瘠殘疾焚焚孤苦破衣救屨盡無斗粟
日暮無食談笑自若數千百人罕有出此皆沿
習成俗猶敢驕奢華是亦脉病而肥者也何豪
貴豐顯作一大官以囊橐計而視以為樂悲夫

冷然亭記

汝南周若年既植嘉卉珍木於園中中為樓館
亭池使相映帶而亭西之隙又種竹數百个其
竹俯然林林宗生蒨蒸竦直特揭天表其節落
澌踈淨如含新霜如新解籜其影擅樂墮池水

中顛倒上下與它影相涉重重如畫雪封其枝
月漱其根自樓中望之又滄若翠羽沉霧攢青
控白汎濫不止余以為園之勝皆鍾于是竹而
若年以為時當大火炎雲高屯黃神嘯吟於裂
霄黑蟻襲匿于重洄辟猶大鑪烘灼靡屈不爍
垢汗沐體悒悒不怡而遂之竹所偃息其下仰
視高葉密若編芙蓉霏霽雲布躋于厚陰欲日光
不得而獨有風冷然從之不覺體便意適煩紆
為之解朝醒為之析而遊于清涼之區也是竹

于盛夏有弘益焉因復為亭居之名之曰冷然
云其亭方不盈丈而欄檻周施可列坐五六人
屬余為記將剝石而陷之壁間若年好讀書為
文有竒思今稍出其竒于一事之微遂能忘地
之隘移天之時而不羨夫淇園之廣山陰之奧
也其事之美不可以不記

九龍山居記

出無錫北門行五六里有山曰惠山其形有蜿蜒
起伏之勢故又謂之九龍云山亦不甚峭拔

俞允文先生集 卷之十一 五
而其下長松茂林蒼蔚葱菁蕭若積黛遠望疑
不可入山腹吐乳泉不見其流而石池涓涓日
數百人汲之不竭尤甘冽能使茶味良即陸羽
茶經所謂第二泉者也尤艸野為山居其麓乃
得據山之奇勢取居之中為堂五楹而堂之左
為崇閣其後為精舍居之隙復為亭榭而又申
之以竹木浮之以陂池經緯合折繚轉相屬或
高敞而舒或奧密而幽可以臨觀可以游棲入
其室則翠巒白雲殊秀清溢時墮几席間真足

以娛目暢心眇然與造化者爭鶩於埃壚之表
而不知其居是室也昔謝靈運述山居之美麗
而事過於煩仲長統徒有願言而卒無以副之
今艸野實有其勝而無過煩之累斯居之善者
也且艸野先世宋禮部尚書文簡公者名重當
代自稱遂初先生嘗為堂讀書山中已遠不可
考艸野追景世德悼前之遺乃復署其所居堂
曰遂初茲不特專事乎游觀而已艸野闔達有
雄志嗜古博學方復潛精於此以知詣其極而

致其大用於世此亦豈耕野久居之地耶耕野
書來請志於石故志之

西野書屋記

休寧有連山連山之中拔起而溪秀者曰岐岐
之西有璜琅二川之水折而合流曰汭口其地
風氣鬱茂清泚程子行氏家焉稍去其家之西
地益勝而野延眺連山則峻嶺峭巒攢青接翠
出於天標又如高濤恠雲奔湊蹙背靡有斷絕
昔子行之先子汝義喜茲地之勝遂滌薈蔚剝

磽确决沮洳使就夷曠為屋數十楹以藏九流
之書命之曰西野書屋其前清池漣淪澄瑩玉
潔池之外匝以平疇果園其後古松千章其傍
脩竹万个昏旦與連山一色氣候變狀雖善画
者莫能悉其變也不遠舊廬別出新賞人跡罕
雜囂塵不來而汝義時讀書偃息其中間嘗為
詩歌以攄遐思叢沉滯求六義之所歸余雖未
識汝義汝義其賢者歟汝義沒後二十年子行
懼屋久傾隨時為飭而新之而乞余為記以述

命仲蔚先生集卷之十一
先德必使傳遠若于行亦豈不謂之賢乎余聞
程氏自唐都使澧當黃巢之亂集衆拒守始徙
家汭上迨今三十餘世子孫益蕃衍而多賢今
觀于行父子其不信然哉遂為之記

仲蔚先生集卷之十二

吳郡俞允文著

傳

何公傳

公名正緒字克承姓何氏其先閩人宋時徙會
昌白埠家焉公仁厚樸直喜立名節公歿季弟
正約甫十歲伯兄正纓有遺孤六尚髫髻公憐
之力為撫育友愛備至比壯任事乃悉出其遺
產及所嘗自致貲財殆以萬計各令自裁取不

私一錢親舊有急輒復相為假貸年五十時虜
數犯境公輸粟餉邊詔特嘉之賜以冠服能退
讓以彰義聲公家世稱右姓然夙遭閔凶公身
自持其家日夜籌策益拓其產起富而恂恂備
飭不欲隨世俗競為侈靡邑令高其行召以鄉
飲亦固辭不赴會昌介閩粵東鄙積阻多盜賊
往往負毒弩竄伏林嶺間公嘗被掠盜驚謂曰
吾聞此公素長者釋之其累行積德雖至累能
感服如此生平雅嗜泉壑邑中有蒲帝嶽最勝

因自號少巖以寄其志又曰東南海中有三神
山其上有碧巖故云年七十四終公孺人同邑
小田劉氏邑南行八十里曰湘鄉有九田之屬
川谷平行居多巨族而小田劉氏為著以故孺
人婉孌端慎宗族並仰其儀範子三人泮湧渭
渭明經以學官弟子負為國子生授崑山丞廉
敏有幹略稱能吏焉贊曰何公負義助官分財
昆弟奮氣立行不徼名聲而其子渭為丞崑山
吏民敬愛好揚其父之名卒使士大夫數千里

外無不知公所謂避名而名我隨豈不賢哉詩
曰豈弟君子四方為則斯之謂矣

周公傳

公名夢山字思仁更字維岳姓周氏蘇州崑山
人也為人質厚內敏不肯矯飾異衆強記博覽
經緯百家之書為文浩汗橫發罕切切繩墨而
自能致美初父震為御史鯁直忤權貴出為浙
江按察僉事公時年最少同官子弟多長與偕
試語獨絕出不類咸共嗟嘆以為不及後以諸

生院試藉、有聲名次應餽廩公意丈夫俯手
取一第此不足為也輒以讓貧者同縣吳公中
英高流也慷慨弘辨薰動一時於廣衆中必引
公以為重年近五十同學生才望遠出公下率
至貴仕而公尚濩落恥守敝冠履與青衿躑躅
黷校間有子三人曰之程之稼之穆之程之稼
已補諸生而公遂棄去放志區外賦詩自適時
過親舊飲酒必數斗霑醉乃去唯奮髯大笑而
不使酒然不善治產晚歲家貧屏居馬鞍山陽

日耽誦浮屠老子言以為西歸津梁益與世泊
如也公性尤篤友愛父沒仲弟不勝繁徭公代
為之撫幼弟妹如已子從姪後升少孤公為檢
誨備悉後舉進士官至金華太守終不自言其
德以此世皆稱為長者隆慶元年卒時年六十
有二

俞子曰余與公善餘四十年公恬惓不附世榮
日嘿々手自讐校其書數百千卷以至沒齒良
亦勤矣而卒不得少著見於時諺曰力田不如
夫
逢年此士之所以不遇於世豈盡人力也哉悲

南唐臨淄侯歛石虛中傳

石虛中者歛人也為人端厚堅密其先周時太公望與九人者佐武王定天下而石氏甚有功太公因為詞戒之曰石墨相著而墨邪心讒言無得汙白遂著之金匱之書以藏焉周末有與中山毛氏者贊孔子作春秋春秋成而毛氏去唯石氏孔子歿後猶留居廟中世由是咸推石氏而石氏族亦寡衍其在端歛者最有聲歛又為最值上無好文者浸遠跡當世唐開元中歛

屬縣有獵者逐兔至長城里遇石氏於巖穴間甚器異之歸以告令而世復知有石氏其後南唐據有江淮歙郡太守始以虛中薦虛中為文有符彩好著綠縠單衣然在山澤久於國家制度罕合乃使其客李少微與之齧磨焉虛中為矻然變色客曰吾聞玉生於山制則破焉非弗寶貴矣然大璞不完君殆若此者乎虛中既至京師上聞之喜曰重客至矣召見祕殿虛中伸眉詣前直披腹心隨所任使意津津有以自得

也尋拜即墨大夫而絳人陳玄中山毛穎會稽褚知白三人者皆已用事虛中與三人者未嘗去上左右而後主尤留意文學寵至特至號為四絕天下亦謂之四友無何三人者相繼物故子孫以父祖積勞復見召用虛中老臣與後進雜處每嬰拂逆蒙澠心頗啣之一日上書倩客為撰草其略曰臣本伏產巖窟甘守鈍樸其地當連山蜿蜒狀象龍尾因號稱龍尾石氏而道險鬱絕鮮與世通不圖卒遇林虞轉偏州部

謬得躋金門上玉堂承清燕荷陛下之殊渥遽
令發藻濡翰以吐胷中之竒臣時誠離割裂不
敢以尸素自怠今臣已老敝又苦消渴疾膚剝
角摧形色悴沮恐旦暮填溝壑不知瓦礫混體
乎初臣與玄穎知白同忝供奉而臣實為劣今
三人者忽並淪謝而臣獨碌々自以為有磐石
之固老不知退塵毀之來嗟何及矣誠得還歸
本土長保骸骨臣不勝至願書上上笑曰虛中
生平無一言昔石言於晉石果能言邪愈益重

虛中詔遣中涓給尚方金壺漿可療疾者并賜
休沐封臨淄侯唐已後去民間十餘年莫知所
在宋興多有言虛中者子孫咸至融顯矣贊曰
漢石奮父子皆以端厚不言躬行見重其主虛
中含玄養潤而臨事察々無脂韋之態豈其苗
裔耶司馬遷以石氏為篤行君子虛中近之矣

仲蔚先生集卷之十三

吳郡俞允文著

墓誌銘

亡友周子舜墓誌銘

子舜諱鳳來姓周氏吳郡崐山人也曾祖諱璩
贈資政大夫南京刑部尚書祖諱紹累贈資政
大夫南京刑部尚書父諱倫以進士授新安令
擢監察御史累遷至都御史南京刑部尚書進
階資政大夫贈太子少保謚康僖公有四子鳳

命作原先生集卷之十三
鳴大理丞鳳儀太學生鳳起太僕丞于舜公最
少子也公尤愛之嘉靖初公以都御史嘗巡禦
江南歸鄉里太守郊迎州縣吏相推排擁車騎
出入威采甚盛是時大理丞並有名趾父子顯
尊兩都莫與為比而于舜穎敏不持童孩已如
成人雖生而有黼績梁肉之饒樂非其好也為
太學生即不喜握齶諸生間乃獨依林搗堂櫺
軒回環以文木為壁甚精日燕處其中以閑絕
人事罕嘗至其家好釋氏書因取釋氏所謂夢

幻泡影露電為六觀者名其堂自稱六觀居士
悉出其藏數千金購天下奇書圖画及古彝鼎
璜玦之屬合珍怪衆物居之以歛其精英又難
奇香令芬氣叢越芡勃篁竹間翳翳如輕雲出
山黑日夜不歇游其堂紛雜盡屏眇然長懷有
幽人之想故同郡楊公循吉有當世重名時年
八十餘矣奇譎寡合獨嘆其高雅為綴記其事
人士往往翹企思與之游焉能為五言詩善楷
法多放依趙孟頫通古今名物辨證剖剖有卓

識諸稱洽浹者莫之能析也然醇謹自視常慚
慚飲酒至醉能為莊語人或犯之亦終不以屬
意尤惇行孝悌遇宗黨雖疏而有恩年三十有
三嘉靖三十四年五月十六日以疾卒娶徐氏
先卒繼娶吳江趙氏皆無子側室強氏生子男
一曰汝蓀女一皆幼太僕以濟南監鹽官廉卒
獲遷比歸遂卜以三十六年十一月三十日葬
于舜于縣東南車塘錦里原先塋以徐氏祔焉
先期以其孤來請銘曰吾弟臨歿時嘗有託於

子也非子無以俾其有聞嗚呼夫子舜以貴游
名公子能自出於常習之外以恬佚為高而又
汲汲于躬行之實可謂士林之逸秀者矣卒以
夭折而使其賢盡于是誠為同志者之所痛悼
不獲辭乃甄述其休美為之銘曰夫既溷溷紛
不可徙兮幼志泯離若天所啓兮剡榮以為華
所貴在己兮深閑外拒抗跡自處兮懷瑜握蘭
蘊內美兮行之專專不逮是恥兮俾耆老者稱
賢疇不可喜兮賢不受年奇願未止兮吁其太

俞仲蔚先生集卷之十三 三
息羗又何以予身殞聲譽垂永邁乎先執予

亡女壙塹誌銘

亡女者予之首女也年五歲而夭生即嗜病遭
予之窮多故故自喜賢於生男撰為詩篇以戲
云女既病益慧語班班增出非平時所引視說
家人私以怪女不敢顯言然病數變日瘳乃氣
滿水浮膚衍缺盃以嘉靖十八年八月三十日
後其生二日死遂以其冬十有一月葬先廷尉
府君墓封外東北三十五步刺辭於玄塹辭曰

吁嗟令女含和嫵柔瓊枝翠華秘玩藏幽奄忽
而然飛遁焉求轉屍中野棄而不收關節不任
枯腊伊優令辟為坑蓬顆為丘有桀松柏液錮
膏流寧披重雲靡盡郭周千歲不食變化為芻
哀哉忍忍沉憂

明故鄉貢士梁府君孺人秋氏墓誌銘

孺人諱某姓秋氏考存耕翁諱黻妣虞氏兵部
侍郎諱祥之孫封兵部郎中諱震之女存耕翁
素饒資財而外家又貴孺人為翁最少女愛之

命何蔚先生集卷之十三
擇壻必名族乃可乃得梁府君諱九萬其
先元時有諱元德者知岷山州事因藉藉為岷
山人逮今二百餘歲仕官不絕而泉州別駕朝
列公諱純實生府君高朋行直方與人
輕合為文藺質而豐於理甚有聲稱工部侍郎
李公充嗣治水吳中聘府君教授其子親往謁
其門傳瑞赫矣時人莫之比也然卒不遇時以
貢士詣選部客死臨淄道中孺人年十六歸府
君敏惠端嚴能盡婦道事尊嫜孝謹處娣姒關

委曲合禮府君媵婢七人而孺人遇之無嫉妬
之嫌悉平均有恩如母子用是中外推為女憲
孺人舉二子不育諸媵婢皆無子府君死以仲
兄高唐別駕諱鳴鶴次子介為後介為平陽訓
導死平陽生女子五人其三人嫁學弟子朱景
太學生張廷傳縣學弟子張道隆皆夭死其
一人嫁太學生嚴汝賢又早寡今為其妻者且
多病而貧不能以養其母孺人泣曰天乎吾命
之不良乃至是耶遂斥斷葷食日夜哀禮事佛

能出世之煩惱而願生西方夫人苟非哀窮戚
之極則無以興妄思嗚呼哀哉嘉靖四十一年
五月十五日竟鬱鬱得疾死享年七十有六子
介娶周氏孫懋元以孺人既死之四年卜四十
四年二月十七日合祔于 之原府君之宅
而請銘於墓石其雖不能文竊惟孺人之賢宜
備顯融豐其胤翮萃膺繁祉以光紹其宗而天
之報施咸缺焉是非進憫孺人之潛德若夫悲
哀窮戚之思與死之月日則何以傳後世而妥

神心輒為之銘曰嗚呼孺人懿德是將誕生令
族配合孔良之胡不泚卒逢其殃莫寄其悲願
生西方彼昭昭乎而第蒼蒼曾慟厥靈不俾予
臧歎幾何其憂獨長咨后媪子俟來世之慶

張母鈕孺人墓誌銘

孺人通進張公諱寰之側室也姓鈕氏其先世
淮陰人嘗客遊吳遂為吳人父諱某母許氏初
通進公元配王宜人三十餘無子而祁州府君
惟生通進一人甚憂繼嗣遂擇娶孺人孺人歸

俞何處先生集卷之十五
張氏年甫十五又四年遂生子恒慕為公之長
子時祁州府君以為張氏有後矣公妣徐太宜
人与王宜人皆厚愛之府君高才不羈未五十
到官輒自免歸公亦大度鮮可生產而孺人年
少惠敏實能贊理中饋稱賢其大人後公為刑
部時恒慕方齠穉而孺人獨留于家延師教子
嘗夜不寢守其子讀書比公歸恒慕已壯大能
屬文孺人盖有力焉且公去位後好遊名山歲
卒數月不歸歸輒賓客踵至其門公有子四人

恒慕與其弟三人更共養公人比之陸賈公年
且老齒危動肴饌非溫淳熟軟不能食孺人為
治具極其精腴以為公歡公每過必留止踰期
而更孺人平居布衣躬自紡績每當戶風寒竟
日不解恒慕為張屏風坐側乃反不喜曰惡用
此費為也其織畝即瓶罌救器不忍棄之處羣
婦間始終無嫌間雖僮奴操之皆有恩某年月
日卒年五十有九子一人即恒慕以某年月日
葬于某字圩之舊墓而乞銘于余余惟孺人為

婦為母皆有儀法其子又退讓而能文能藝其
母氏之潛德其於公家有累世之厚遂為之銘
曰 婉婉孺人泚慎齊止克合于張肇公胤嗣
奉公之終後公而死載祔于公惟千萬祀

沈孝叔權厝誌

孝妣諱象賢姓沈氏其先山東人也元末世擾
亂徙蘇州之太倉後復徙崑山今為崑山人曾
祖諱祥累官至四川右叅議祖諱時以進士為
泰和令父諱侑太學生母項氏孝妣生 歲而

喪母十三而喪父獨繼祖母夫人馬氏在孝妣
既幼不能家家日已賀稍長乃砥行讀書冀自
振拔師事其從兄世妣受左氏春秋頗能綜其
終始為文詞婉約有度試補為邑諸生邑令王
公廷盧公宁得其文咸加器異而孝妣亦自念
取科不難也然每試輒不應指意卒卒不樂歎
曰吾少無父母即無以自振拔寧復與里中子
逐逐耶遂與同輩浸遠性本嗜酒至是亦斥絕
不食閉門歲餘以嘉靖二十五年九月十九日

竟憤懣病死年三十五妻王氏封禮部郎中時
賜之女三子守愚守謙守
之兄子也守謙為後其後兄同妣聘陸氏二十
九年九月十九日權厝湓浦問字圩先塋從
兄文妣與其孤守愚以銘乞予嗚呼孝妣以醇
懿敦默之資而遇人甚謹雖羣聚嘲譁竟日而
孝妣獨含胡不聞發一語與孝妣遊者莫不愛
敬之及聞訃莫不痛悼之而獨以銘屬余余其
可辭也予嘗以為士不能有所發明功名予當

世則務存乎其言故身死而行事不得與之變
然滌積累有成學與得所因附亦何能自致于
遠也每覽書傳所載其事若此類者多矣而未
必皆若吾孝妣之賢也今孝妣既困阨且天又
不幸而不得其人以傳則吾之知孝妣者自吾
而止矣嗚呼吾誠悲孝妣之無稱焉以自忽也
銘曰世適適壽頑齡子搏搏天畀生衆益晉輔
紛榮子獨鬱意不盈羗邁愍含泚清罔攸憑殞
鴻名經日月迫西傾篤繫社稷後成

命仲崇先生集 卷之十三 故處士程汝義妻汪孺人墓誌銘

孺人姓汪氏休寧漢川人也父處士諱尚誼母查氏孺人為處士次女適同里程汝義生子男二長曰善定初娶商山吳氏淨之女繼娶大宅陳氏鈿之女次曰善夫未娶而夭孫男一曰起家娶五城黃氏漳之女孫女曰孺人端敏柔淑克閑四教而又詳於女紅夙標令問始自為婦而姑金安人已即世恨不及養乃并力中饋晨昏必求腍味以奉其舅氏備孝敬之道舅繼室

汪氏持家急諸婦頗嚴事之不敢近獨孺人愈昵事之甚謹異其悔悟後汪氏果自慚悔以孺人為賢孺人睦娣姒亦靡不盡其誠愛由是一室嘻嘻如居父母家時也舅嘗以舊廬湫隘欲旁拓之而儻後喧驚一時止與治辦孺人以介婦輒身先井臼給食而事卒以倚辦舅既家居令其子行賈取什一之息汝義行賈歸必悉致其息於家不以毫毛自私篋中蕭然如未嘗賈孺人益為織畷脫簪珥佐之終亦不私一錢人

咸謂汝義之行義多孺人助成之也亡何而汝
義客死嘉定孺人聞之每至痛絕以死自誓時
二子尚在髫鬢親舊相為勸沮孺人乃為損哀
抑志日夜盡瘁營克其家長養訓成其子家浸
殷郁踰於汝義時而又能周亟恤孤推賢中外
之黨于時二子更行賈而善夫仍客死善定吳
氏婦又死孺人哀慟邑邑成噎幾十六年善定
編求巫醫不能療陳氏婦乃為禱神割股肉作
糜粥以進孺人食而甘之疾亦良愈已乃命善

定曰汝生產積著俱在崑山豈可恚委它人其
往視之既而善定至崑山患危疾孺人疾亦亟
動竟不起是歲為萬曆四年丙子八月廿九日
也享年五十有九善定卜以萬曆己卯年二月
初四日塋孺人于古塘山之陽而以汪君禹父
狀來乞銘余惟善定生平痛父之早世今又以
疾淹異縣恨不獲親母氏之含斂無以致哀其
親謂非墓銘則貞淑之操無以昭著於後且謂
非余無以志具其事余既嘉孺人之賢而善定

俞伯恭先生集卷之十一
孝之薦又如此其曷能辭輒為之銘其墓石銘
曰於惟孺人天茂淵姿爰丁鞠函矢志不移
為婦而貞為母而慈中外肅穆允式其儀宜享
萬年奄然以歸哀哀孝嗣罔致其悲後後之知
刻此銘辭

吳孺人權厝誌

孺人諱金玉姓吳氏休寧商山人父諱淨妣程
氏孺人自多性姿端敏初舅氏程公汝義為其
子于行擇配委禽焉既而汝義客游嘉定值島

賊劫掠困圍中得疾死送旅孺人時尚髫鬢聞
之輒中夜飲泣悲傷竟患歟室不能有瘳比歸
程氏亡何而姑又痛其少子夭折病膈噎加甚
孺人日侍側扶携進湯藥為寬言慰解嘗念言
觀音大士能拯拔諸苦時為寔禮求代兩膝至
皆繭起無情容積數年而姑疾良愈人咸以為
孺人孝誠所感以至至中饋睦外姻致勤盡敬
並有儀法然生男多不育唯生一子遂為子行
買妾而身竟以隨產死是歲隆慶三年八月廿

俞伯恭先生集卷之十一
八日也享年三十有一子男一起家娶五城黃氏漳之女女三許璫源吳昇潮五城黃惟兆其一尚多于行以孺人卒之後三年春日權厝于鳳林之原將更卜良壤以葬持其狀乞志夫女子事尊嫜而能隆孝敬之實待妾媵而不蓄嫌嫉之私雖古女史所誠無以有加而孺人之賢於是為至乃不克永其年悲夫聊為志其大者于石辭曰行之淵子而命不泐天之常厥德子不常者為酷獨罹此酷而長冥子何九

陽之不燭昭昭者唯銘辭兮予以志夫陵谷

三兄階甫埋石志

君諱允升字階甫踈達有才臨事能隨口辨折年四十為諸生家貧不得意益負氣不肯屈人乃求事可以見功業取名聲於時者以為吳非有南金象齒寶玉丹砂之饒而獨藉於田農田農之務莫急於水利照水利不修歲遭旱潦百姓荐饑常賦不登

朝廷時有霄旻之憂故因刺直單諤諸子水利

書條其可施於今者上御史呂公洵呂公大悅
檄州縣齎糧令得浮遊五湖間相水利害之所
由仍令與海虞鄧公等撰水利圖考頗以工費
浩煩宰相又厭言災荒卒不果行後數年海墘
盜起乃復言謹斥堠及練兵錢穀之法數十事
太守王公道行與語合延為上客因留館郡東
南佛寺中時步入府議事稍不合輒為危言械
之諸生時有在坐上者皆為屏息而王公益加
禮厚居數月嘗苦瘡滿病甚王公為訪疾寺中

復遺以金款歔不能去比歸數日竟不起是歲
嘉靖四十九年四月十二日也享年五十有四
王公行縣親拜其喪為文祭之言士徒以無用
之文希取世資至於臨事則錯愕不知所出曷
若吾子通明權略研窮當世之務論事成敗得
失即衍稷下諸生何以加焉而竟淝、困於繩
墨以死豈非命耶痛哉生平所著復有時政十
議蕪湖志蠓磯山志若干卷並傳於世初孺人
顧氏福建漳州照磨鼎之女子男一人大猷武

俞仲嘉先生集卷之十三
科舉人娶周氏女三人繼孺人周氏女一人孫
男二人溫舒仲舒女二人大猷卜以隆慶元年
九月十九日葬君於夾潮塘先廷尉府君之墓
俞氏之族不著顯府君又蚤世而君與弟允文
允濟皆少誓以翼相覆掩庶幾終自振拔未白
首而復相失誠有罔極之痛不能文故特叙其
行事與死之月日而志諸石

三弟季通墓誌

季通余弟也名允濟一字楫甫先廷尉府君早

世余兄弟三人季通最少鮮師友之訓性穎敏
獨好書籍架上嘗疊數千卷尤喜莊周韓非司
馬遷淮南八公之書纂其玄言而誦習之以為
文然率與時齟齬年至五十每歎無所見於世
思欲托事以立名節在諸生中有屈者輒徃直
之語人曰即死後世亦知吾能以義自累其生
者也為人負幹局能兼他人之事所有先人
敝廬傾阬不蔽風雨遂劬力經營二十年一旦
翕起新之以易常觀榱棟連列軒櫺通明可晏

坐焚香而游娛其中余因名之曰清晏之室而
季通於此終不敢少自休暇以為生則營之死
則休之天之道也知者咸謂其才見用宜大有
益於世而竟不得用故居常多邑々恨其時之
不逢也隆慶二年七月二十日病下痢純血死
享年五十有二妻周氏大理寺寺丞鳳鳴之女
南京刑部尚書太子少保康僖倫之孫自幼奇
警明慧知書大略雖族貴隆赫而為婦恭慎侍
先妣黃夫人疾甚謹娣姒同居能先意通緩急

無驕盈之習絕嫌間之言毋顧宜人寡居事多
諮決其女計事成敗識大體類非女子所能嘉
靖四十年六月三十日先七年卒享年四十有
二子男一伯良娶陳氏行都司經歷陳簡之女
女五壻朱世節縣學生縣學生秉僖之子王純
府學生温州府推官一誠之子王協貞南京刑
部主事執禮之子支如雷縣學生三錫之子顧
震嘉太學生咸康之子伯良卜以隆慶三年十
月十五日奉季通之喪葬於夾潮塘有字圩之

先塋以周氏祔焉嗚呼俞氏門緒不昌久矣季
通忽先予而死其婦賢亦既夭折死伯良孤苦
孱弱甫有室而諸女皆髻髻線斬適人余又哀
夕淪漂骨肉遼索生民之艱殆極於此既葬之
三月丘墓草生時日滋遠伯良將懼名字湮滅
悽愴興懷請余叙其行事刻石而埋諸冢側以
示永久是為誌

